



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Traffic

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

DATE: 17 JAN 2023			
Org. jed.	Proj.	Priloga	Sl. broj/br.
01-GV-02	-	1623	-2. o/p

Broj: 04-23-46343/22  
Sarajevo, 26.12.2022. godine

**GRAD SARAJEVO**  
**GRADSKO VIJEĆE**  
Hamdije Kreševljakovića br. 3  
71000 Sarajevo

**Predmet:** Odgovor na vijećničku inicijativu

Ministarstvo saobraćaja Kantona Sarajevo, zaprimilo je Vaš zahtjev broj: 01-GV-02-1623-2/22 od 26.10.2022. godine, vezano za pokrenutu vijećničku inicijativu Ratka Orozovića, te s tim u vezi dajemo sljedeći odgovor:

Žalosti nas činjenica da se na ovaj i slične načine pokušava umanjiti vrijednost i značaj projekta na koji se čekalo preko 60 godina. Neutemeljenim i neprovjerenim „informacijama“ i njihovim puštanjem javnost se bespotrebno unosi nemir korisnicima javnog prevoza i građanima Kantona Sarajevo.

Želimo istaći da je rekonstrukcija tramvajske pruge izvršena po najvećim standardima i da je trenutno jedna od najmodernijih u cijeloj Europi. Nakon što su radovi privedeni kraju izvršeni su zakonom i ugovorom propisani pregledi i ispitivanja tehničke ispravnosti same pruge. Također, u toku samih radova su vršeni pregledi i ispitivanja kako bi se u slučaju eventualnih propusta promptno reagovalo, kao što su ultrazvučna ispitivanja varova, ispitivanje ankera na čupanje, geodetska ispitivanja i praćenja itd. Izvođač je kao i za prethodno navedeno ugovorom bio obavezan da izvrši ispitivanja funkcionalnosti pruge nakon što završi radove i to sa vozilom, odnosno tramvajem na pruzi. Nakon ispitivanja i testiranja od strane izvođača radova, nadzorni tim je u skladu sa ugovorom izdao svoje završne izjave i izvještaje, kao i certifikate o preuzimanju radova. Na insistiranje Ministarstva saobraćaja obavljen je i jedan vid internog tehničkog pregleda sa krajnim korisnikom tramvajske pruge, kompanijom KJKP GRAS, koja je također izdala pozitivno mišljenje i saglasnost na korištenje svih izvedenih radova u sklopu rekonstrukcije tramvajske pruge.

Nakon što je pribavljena kompletna dokumentacija i izvršeni svi radovi, pristupilo se proceduri tehničkog prijema objekta, koja je propisana Zakonom. Obzirom da se navedena procedura provodila po Općinama, tako je Ministarstvo saobraćaja ishodovalo pravosnažna Rješenja o upotrebi objekta rekonstruisane tramvajske pruge, nakon pozitivnih izvještaja Komisija koje su imenovane od strane Općina.



Pored svih gore navedenih procedura, ne postoje dodatne koje su propisane ugovorom ili Zakonima, a da ih Ministarstvo saobraćaja zajedno sa svojim partnerima na ovom projektu nije ispunilo. Trenutno se, kao i od samog početka, saobraćaj na rekonstruisanoj tramvajskoj pruzi, obavlja neometano i bez smetnji. Stoga Vas molimo prije svega da se suzdržite od širenja neprovjerenih „informacija“ kao što je: „da se događa da tramvaji iskaču iz pruge“, čime štetite prvenstveno građanima koji svakodnevno koriste ovaj vid javnog prevoza. Iskakanje tramvaja iz pruge ne bi moglo proći bez ogromnih posljedica, kao što i sami znate kada su se slične stvari dešavale na staroj pruzi koja nije zadovoljavala nikakve tehničke aspekte za odvijanje sigurnog saobraćaja.

S poštovanjem,

Dostaviti:

- ① Naslovu,
- Evidenciji,
- a/a.



MINISTAR

Ednan Šišta



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/10-04-232-1/23  
Sarajevo, 17.01.2022. godine

**GRAD SARAJEVO**  
**Gradsko vijeće Grada Sarajevo**  
**N/r Jasmin Ademović, predsjedavajući Gradskog vijeća**

**Predmet:** Odgovor na vijećnička pitanja gradskog vijećnika Srđana Simonovića

Na 22. sjednici Gradskog vijeća Grada Sarajeva, održanoj dana 28.18.2022. godine, gradski vijećnik Srđan Simonović uputio je vijećnička pitanja sljedećeg sadržaja:

1. „Koliko je uplaćeno sredstava za FK Sarajevo i FK Željezničar u periodu od 2020.-2022. godine?“
2. „Kada se planira objaviti konkurs za dodjelu stipendija?“
3. „Zašto Bijela tabija na Vratniku nije otvorena za posjetu?“

**Odgovor:**

Cijeneci Vaša pitanja, u nastavku Vam dostavljamo odgovore redosljedom prethodno navedenih pitanja:

1. Prema evidenciji Službe za obrazovanje, sport, kulturu i mlade, te informacijama iz Službe za finansije, iz Budžeta Grada Sarajeva za period od 2020. do 2022. godine, FK „Sarajevo“ je doznačeno iz Budžeta Grada Sarajeva 2020. godine 50.000,00 KM, a FK „Željezničar“ je doznačeno dva puta po 25.000,00 KM. Iz Budžeta Grada Sarajeva za 2021. godinu, FK „Sarajevo“ i FK „Željezničar“ dobili su sredstva u iznosu od po 50.000,00 KM. Iz Budžeta Grada Sarajeva za 2022. godinu, FK „Sarajevo“ su doznačena sredstva u iznosu od 50.000,00 KM i 10.000,00 KM, dok je FK „Željezničar“ doznačeno 50.000,00 KM.
2. Konkurs za dodjelu stipendija je objavljen. Rok za dostavu stipendija bit će otvoren od 19. januara do 2. februara 2023. godine, do 16 sati.
3. Obzirom, da Gradska služba za obrazovanje, sport, kulturu i mlade nema ingerencije u vezi Bijele tabije na Vratniku, te da istom rukovodi JP „Sarajevo“, Vaše pitanje ćemo uputiti njima, te čim budemo imali odgovor na Vaše pitanje, isti ćemo Vam dostaviti pismenim putem.

Sekretar Gradske Uprave  
Po ovlaštenju:

**Mr. Amina Deljković, s.r.**

**GRADONAČELNICA**

**Doc. dr. Benjamina Karić, s.r.**

Dostaviti:

- naslovu
- evidenciji
- a/a

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADONAČELNICA

Broj: 01/10-04-234-1/23  
Sarajevo, 18.01.2022. godine

**GRAD SARAJEVO**  
**Gradsko vijeće Grada Sarajevo**  
**N/r Jasmin Ademović, predsjedavajući Gradskog vijeća**

**Predmet:** Odgovor na inicijativu zamjenice predsjedavajućeg Gradskog vijeća Mirele Džehverović

Na 22. sjednici Gradskog vijeća Grada Sarajeva, održanoj dana 28.12.2022. godine, zamjenica predsjedavajućeg Gradskog vijeća Mirela Džehverović uputila je inicijativu sljedećeg sadržaja:

„Potrebno je da Grad Sarajevo izdvoji finansijska sredstva za podršku regionalnog projekta pod nazivom „Zbendaj 2.0“ koji organizuju učenici Druge gimnazije Sarajevo, a u kojem učestvuju i učenici iz Banja Luke, Koprivnice, Užica i Tuzle.“

**Odgovor:**

Cijeneći Vašu inicijativu, želimo Vas obavijestiti da su JU Druga gimnazija 2018. godine doznačena sredstva u iznosu od 20.000,00 KM za radove na ugradnji lifta od strane Službe za urbano planiranje, investicije, stambene i komunalne poslove. Obzirom da navedeno nije radila Služba za obrazovanje, sport, kulturu i mlade, a zbog činjenice da Grad Sarajevo nije nikad zaprimio izvještaj o namjenskom utrošku gore navedenih sredstava, već je 2021. godine stigla molba za promjenu namjene sredstava, koja po našim saznanjima nije odobrena. Molbom su Grad Sarajevo obavijestili da su utrošena sredstva u iznosu od 3.500,00 KM za izradu namjenskog projekta, dok je ostatak ostao netaknut, te su tom prilikom tražili da se za preostala sredstva izvrši promjena namjene. Obzirom da Grad Sarajevo nije primio izvještaj o namjenskom utrošku dodijeljenih sredstava od JU Druga gimnazija za ugradnju lifta, a ni zahtjev za povrat dodijeljenih sredstava, Služba za obrazovanje, sport, kulutru i mlade nije u mogućnosti podržati inicijativu, a ni projekte od JU Druga gimnazija Sarajevo dok se ne riješi pitanje sredstava dodijeljenih za ugradnju lifta.

Sekretar Gradske Uprave  
Po ovlaštenju:

**Mr. Amina Deljković, s.r.**

**GRADONAČELNICA**

**Doc. dr. Benjamina Karić, s.r.**

Dostaviti:

- naslovu
- evidenciji
- a/a

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/14-04-219-1/23  
Sarajevo, 17.01.2023. godine

**GRADSKO VIJEĆE GRADA SARAJEVA**  
**N/r Jasmin Ademović, predsjedavajući gradskog vijeća**

**PREDMET:** Odgovor na vijećničku inicijativu gradske vijećnice Lajle Ćosović,  
broj: 01-GV-02-1840-1/22 od 28.12.2022. godine, dostavlja se

Na 21. sjednici Gradskog vijeća Grada Sarajeva, održanoj dana 30.11.2022. godine, gradska vijećnica Lajla Ćosović uputila je inicijativu sljedećeg sadržaja:

„Potrebno je dopuniti Kalendar obilježavanja datuma i događaja značajnih za Grad Sarajevo tako da se u Poglavlju I, iza tačke 10b. doda nova tačka 10c. koja glasi 'Obilježavanje Dana maloljetnog borca', Dan obilježavanja: 15. novembar; Nosilac obilježavanja: Udruženje maloljetnih boraca Općine Centar; Način obilježavanja: Prema program nosioca obilježavanja.”

Gradsko vijeće je podržalo podnesenu inicijativu na svojoj 22. sjednici, održanoj dana 28.12.2022. godine, te je ona postala inicijativom Gradskog vijeća.

**Odgovor:**

Navedena inicijativa bit će realizovana na 24. sjednici Gradskog vijeća Grada Sarajeva, predlaganjem Odluke o dopuni Odluke o obilježavanju datuma, događaja i ličnosti od značaja za Grad Sarajevo.

Rukovodilac Stručne službe za poslove  
kabineta i poslove Gradske uprave  
**Aida Bajramović, s.r.**

**GRADONAČELNICA**  
**Doc. dr. Benjamina Karić, s.r.**

Dostaviti:

- Naslovu
- Evidencija
- a/a

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADONAČELNICA

Broj: 01/07-04-236-2/22  
Datum: 16.01.2023. godine

**GRADSKO VIJEĆE GRADA SARAJEVA**  
N/r Jasmin Ademović, predsjedavajući

**PREDMET:** Odgovor na inicijativu gradskog vijećnika Srđana Simonovića,  
broj: 01-GV-02-2045-8.1/22 od 28.12.2022. godine

Na 22. sjednici Gradskog vijeća Grada Sarajeva, održanoj dana 28.12.2022. godine, gradski vijećnik Srđan Simonović uputio je inicijativu sljedećeg sadržaja:

„Da stručne službe pošalju dopis Turističkoj zajednici Kantona Sarajevo da u svoju turističku ponudu obavezno stave i Bijelu tabiju.”

**Odgovor:**

Navedena inicijativa prosljeđena je Turističkoj zajednici Kantona Sarajevo.

**Gradska služba za lokalno poslovanje**

**Gradonačelnica**

**Pomoćnik gradonačelnice**  
**Elvir Hadžiahmetović, s.r.**

**Doc. dr. Benjamina Karić, s.r.**

Dostaviti:

- naslovu
- evidenciji
- a/a

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/07-04-226-1/22

Datum: 13.01.2023. godine

**GRADSKO VIJEĆE GRADA SARAJEVA**

**N/r Jasmin Ademović, predsjedavajući**

**PREDMET:** Odgovor na inicijativu gradskog vijećnika Adija Škaljića.  
broj: 01-GV-02-2045-2.1/22 od 28.12.2022. godine

Na 22. sjednici Gradskog vijeća Grada Sarajeva, održanoj dana 28.12.2022. godine, gradski vijećnik Adi Škaljić uputio je inicijativu sljedećeg sadržaja:

„Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, upućujem vijećničku inicijativu za preraspodjelu novca planiranog za vatromet povodom svih narednih proslava Nove godine, tako da se isti usmjeri udruženjima koja se bave zaštitom životinja.”

**Odgovor:**

Grad Sarajevo ne planira organizirati vatromet u okviru narednih organizacionih aktivnosti za javni doček Nove godine.

**Gradska služba za lokalno poslovanje**

**Gradonačelnica**

**Pomoćnik gradonačelnice**  
**Elvir Hadžiahmetović, s.r.**

**Doc. dr. Benjamina Karić, s.r.**

Dostaviti:

- naslovu
- evidenciji
- a/a

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADONAČELNICA

Broj: 01/07-04-8288-1/22  
Datum: 21.12.2022. godine

**GRADSKO VIJEĆE GRADA SARAJEVA**  
**N/r Jasmin Ademović, predsjedavajući**

**PREDMET:** Odgovor na inicijativu gradskog vijećnika Grada Sarajeva Elvedina Korore,  
broj: 01-GV-02-1788-6.1/22 od 30.11.2022. godine

Poštovani,

Na 21. sjednici Gradskog vijeća Grada Sarajeva, održanoj 30.11.2022. godine, gradski vijećnik Elvedin Korora uputio je inicijativu sljedećeg sadržaja:

„Poštovani, na osnovu člana 19. Poslovnika Gradskog vijeća Grada Sarajeva, podnosim inicijativu da se finansijski pomogne humanitarno Udruženje Pomozi.ba sa 20.000,00 KM za pomoć našim sugrađanima u liječenju.

Udruženje Pomozi.ba je neprofitna humanitarna organizacija koja svojim djelovanjem pomaže ugroženim ljudima na području cijele Bosne i Hercegovine, ali i šire. Pomoć u zadovoljavanju osnovnih ljudskih potreba timovi Pomozi.ba pružaju povratnicima, starim i iznemoglim licima, samohranim majkama, porodicama bez stalnih primanja, djeci bez roditelja, osobama sa invaliditetom, oboljelima, migrantima...

Za socijalno ugrožene kategorije društva prikupljaju i obezbjeđuju materijalnu pomoć, hranu, lijekove, higijenske proizvode, obuću, odjeću, namještaj, bijelu tehniku, kao i druge potrepštine, novčano pomažu u liječenju teško oboljelih osoba te pomažu i u stambenom zbrinjavanju ljudi u izuzetno teškom materijalnom stanju.”

**Odgovor:**

U Budžetu Grada Sarajeva za 2022. godinu nisu planirana sredstva za ovu namjenu.

**Gradska služba za lokalno poslovanje**

**Gradonačelnica**

**Pomoćnik gradonačelnice**  
**Elvir Hadžiahmetović, s.r.**

**Doc. dr. Benjamina Karić, s.r.**

Dostaviti:

- Naslovu
- evidenciji
- a/a

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba







**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/07-04-8291-1/22  
Datum: 21.12.2022. godine

**GRADSKO VIJEĆE GRADA SARAJEVA**  
**N/r Jasmin Ademović, predsjedavajući**

**PREDMET:** Odgovor na inicijativu predsjedavajućeg Gradskog vijeća Grada Sarajeva  
Jasmina Ademovića, broj: 01-GV-02-1840-7/22 od 30.11.2022. godine

Poštovani,

Na 21. sjednici Gradskog vijeća Grada Sarajeva, održanoj 30.11.2022. godine, predsjedavajući Gradskog vijeća Grada Sarajeva uputio je inicijativu sljedećeg sadržaja:

„Potrebno je da Grad Sarajevo, u saradnji s gradskim općinama i Kantonom Sarajevo, osmisli projekt kojim bi se opremili i osposobili centri za zdravo starenje, uslugom dnevnog boravka za dementne sugrađane, odnosno formirali stacionari gdje bi mogli i boraviti nekoliko dana, a kojim bi se bitno pomoglo porodicama koje se brinu o svojim dementnima članovima.”

**Odgovor:**

U Nacrtu Budžeta Grada Sarajeva za 2023. godinu planirano je 40.000,00 KM centrima za zdravo starenje na području četiri gradske općine. Shodno navedenome, gradskim općinama će se sugerisati da razmotre mogućnost da dio sredstava bude realiziran u skladu s podnesenom inicijativom.

**Gradska služba za lokalno poslovanje**

**Gradonačelnica**

**Pomoćnik gradonačelnice**  
**Elvir Hadžiahmetović, s.r.**

**Doc. dr. Benjamina Karić, s.r.**

Dostaviti:

- Naslovu
- Evidenciji
- a/a

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/14-04-7089-2/22  
Sarajevo, 20.12.2022. godine

**GRADSKO VIJEĆE GRADA SARAJEVO**  
**N/r Jasmin Ademović, predsjedavajući Gradskog vijeća**

**PREDMET:** Odgovor na vijećničko pitanje gradsko vijećnika Jasmina Skorupana  
broj: O1-GV-02-1323-5/22 od 05.10.2022. godine

Na 19. sjednici Gradskog vijeća Grada Sarajeva, održanoj 05.10.2022. godine, gradski vijećnik Jasmin Skorupan uputio je vijećničko pitanje sljedećeg sadržaja:

„Potrebno je da Grad Sarajevo razmotri mogućnost da se u saradnji sa KS izradi jedinstveni broj ili internet stranica na koji građani Grada Sarajeva mogu prijaviti kvarove kao što su:

- Komunalne nepravilnosti
- Kvar javne rasvjete
- Kvar semafora
- Opasnost od obrušavanja snijega i leda sa zgrada i kuća
- Curenje vode na česmama itd.

Odgovor:

Dopisom broj 09-14-04-7089/22 od 09.11.2022. godine, Grad Sarajevo, Služba za urbano planiranje, investicije, stambene i komunalne poslove, uputila je predmetnu Inicijativu Vladi Kantona Sarajevo. S tim u vezi, obavještavamo Vas da smo dana 07.12.2022. godine, dopis broj: 18-45-46406/22, dobili sljedeću informaciju iz Službe za protokol i press Kantona Sarajevo:

„Kao odgovor na inicijativu vijećnika Jasmina Skorupana, odnosno dopis broj: 09-14-04-7089/22 od 09.11.2022. godine, obavještavamo Vas da je u testnoj fazi aplikacija Patrola.ba za mobilne telefone kojom će svi građani moći prijaviti više vrsta neusklađenosti koje se odnose na komunalne usluge (divlje deponije, nepokošena trava, oborena stabla, oštećenja na cesti, neispravna javna rasvjeta i semafori i dr.). Ovim će se unaprijediti postojeći način rada prijavljivanja direktno na telefone i e-mail adrese komunalnih preduzeća.

Uporedo s tim, u skupštinskoj proceduri je Zakon o komunalnoj policiji Kantona Sarajevo koji se treba usvojiti do kraja godine. Komunalna policija će primati prijave građana putem navedene mobilne aplikacije i sa jedne strane biti u direktnom kontaktu sa komunalnim preduzećima koja će rješavati prijavljene neusklađenosti, dok će s druge strane djelovati represivno prema pravnim i fizičkim licima koji svojim neodgovornim ponašanjem ugrožavaju komunalnu čistoću.

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Uvjereni smo da će se usvajanjem navedenog zakona, odnosno formiranjem komunalne policije, povećati efikasnost komunalnih preduzeća, ali i disciplinirati građani i firme, što će u konačnici rezultirati značajnim unapređenjem kvaliteta života svih građana i posjetioca Sarajeva.“

Pomoćnica gradonačelnice  
za urbano planiranje, investicije,  
stambene i komunalne poslove

**Merima Arifhodžić, s.r.**

**GRADONAČELNICA**

**Doc. dr. Benjamina Karić, s.r.**

**Prilog:**

Odgovor na gradsku Inicijativu – KS

Dostaviti:

- naslovu
- evidenciji
- a/a

Bosna i Hercegovina  
Federacija Bosne i Hercegovine  
KANTON SARAJEVO



Босна и Херцеговина  
Федерација Босне и Херцеговине  
КАНТОН САРАЈЕВО

Bosna i Hercegovina Federacija Bosne i Hercegovine  
Kanton Sarajevo KANTON SARAJEVO

Служба за протокол и пресс

07-12-2022		
09	04	7089-1

Bosnia and Herzegovina  
Federation of Bosnia and Herzegovina  
CANTON SARAJEVO  
Protocol and Public Relations Service

Sarajevo, 30.11.2022. godine  
Broj: 18-45-46406/22

## GRAD SARAJEVO

Služba za urbano planiranje, investicije,  
stambene i komunalne poslove

Gđa. Merima Arifhodžić, pomoćnica gradonačelnice  
Sarajevo

Veza: Vaš dopis br: 09-14-04-7089/22 od 09.11.2022.g.

Poštovana gospodo Arifhodžić,

Kao odgovor na inicijativu vijećnika Jasmina Skorupana, odn. Vaš dopis broj: 09-14-04-7089/22 od 09.11.2022.g. obavještavamo Vas da je u testnoj fazi aplikacija Patrola.ba za mobilne telefone kojom će svi građani moći prijaviti više vrsta neusklađenosti koje se odnose na komunalne usluge (divlje deponije, nepokošena trava, oborena stabla, oštećenja na cesti, neispravna javna rasvjeta i semafori i dr.). Ovim će se unaprijediti postojeći način rada prijavljivanja direktno na telefone i e-mail adrese komunalnih preduzeća.

Uporedo sa tim, u skupštinskoj proceduri je Zakon o komunalnoj policiji Kantona Sarajevo koji se treba usvojiti do kraja godine. Komunalna policija će primati prijave od građana putem navedene mobilne aplikacije i, sa jedne strane biti u direktnom kontaktu sa komunalnim preduzećima koja će rješavati prijavljene neusklađenosti, dok će sa druge strane djelovati represivno prema pravnim i fizičkim licima koji svojim neodgovornim ponašanjem ugrožavaju komunalnu čistoću.

Uvjereni smo da će se usvajanjem navedenog zakona, odnosno formiranjem komunalne policije, povećati efikasnost komunalnih preduzeća ali i disciplinirati građani i firme, što će u konačnici rezultirati značajnim unapređenjem kvaliteta života svih građana i posjetioca Sarajeva.

S poštovanjem,

Šef Službe

Nenad Marilović



Adresa: Reisa-Džemaludina Čauševića 1, 71 000 Sarajevo  
Tel/fax: + 387(0)33 562-047 i tel: + 387(0)33 562-283  
Web: <http://vlada.ks.gov.ba>, E-mail: [sp@vlada.ks.gov.ba](mailto:sp@vlada.ks.gov.ba)



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/07-04-7099-3/22  
Datum: 30.12.2022. godine

**GRADSKO VIJEĆE GRADA SARAJEVA**  
**N/r Jasmin Ademović, predsjedavajući**

**PREDMET:** Odgovor na inicijativu gradskog vijećnika Jasmina Skorupana,  
broj: 01-GV-02-1323-6.1/22 od 05.10.2022. godine

Na 19. sjednici Gradskog vijeća Grada Sarajeva, održanoj 05.10.2021. godine, gradski vijećnik Jasmin Skorupan uputio je inicijativu sljedećeg sadržaja:

„Molim službe GV da upute inicijativu prema Ministarstvu saobraćaja KS i Turističkoj zajednici KS da obezbijede adekvatan parking za turističke autobuse na više lokacija.”

**Odgovor:**

Ministarstvo saobraćaja Kantona Sarajevo i Turistička zajednica Kantona Sarajevo dostavili su odgovore na navedenu inicijativu koji se dostavljaju u prilogu.

**Gradska služba za lokalno poslovanje**

**Gradonačelnica**

**Pomoćnik gradonačelnice**  
**Elvir Hadžiahmetović, s.r.**

**Doc. dr. Benjamina Karić, s.r.**

Dostaviti:

- naslovu
- evidenciji
- a/a

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Broj: 1349-1/22.  
Sarajevo, 17.11.2022. godine

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO

GRADONAČELNICA  
Doc. dr Benjamina Karić

Kanton Sarajevo			
23-11-2022			
14	04	7099-2	

**PREDMET:** Inicijativa vijećnika u Gradskom vijeću Grada Sarajeva,  
broj: 01-GV-02-1323-6.1/22 od 05.10.2022. godine  
Veza: Vaš akt broj 01/14-04-7099-1/22 od 14.11.2022. godine

Poštovana,

Dana 15.11.2022. godine pod brojem 1349/22, zaprimili smo inicijativu vijećnika Gradskog vijeća Grada Sarajeva Jasmina Skorupana, na koju ste zatražili naše izjašnjenje. Inicijativa glasi:

„Molim službe GV da upute inicijativu prema Ministarstvu saobraćaja KS i Turističkoj zajednici KS da obezbjede adekvatan parking za turističke autobuse na više lokacija.“

Obavještavamo Vas da Turistička zajednica Kantona Sarajevo nema nikakve ingerencije vezane za parkinge za turističke autobuse.

S poštovanjem,

Predsjednik  
Turističke zajednice Kantona Sarajevo

Prof. Kenan Magoda

Dostaviti:

1. Naslovu
2. a/a



Bosnia and Herzegovina  
Federation of Bosnia and Herzegovina  
CANTON SARAJEVO  
Ministry of Traffic

Broj: 04-23-48614/22  
Sarajevo, 21.12.2022.godine

**GRAD SARAJEVO**  
Hamdije Kraševljakovića br.3  
71000 Sarajevo

**PREDMET:** Odgovor na zahtjev

Vašim aktom broj: 01/07-04-7099-2/22 od 28.11.2022.godine, uputili ste Ministarstvu saobraćaja inicijativu vijećnika Gradskog vijeća Grada Sarajevo kojom se traži otvaranje novih parking mjesta za turističke autobuse.

**Odgovor:**

Uredbom o organizaciji parkiranja, javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja ("Službene novine Kantona Sarajevo" 52/18) član 8. - stav 3. kojim je propisano da nove lokacije za otvaranje parkinga za osobne automobile, teretna motorna vozila i autobuse utvrđuje Ministarstvo Planom rada i investiranja koji se donosi u skladu sa važećim prostorno-planskim dokumentima.

Trenutnim prostorno-planskim dokumentima nije planirano otvaranje novih parking mjesta za turističke autobuse i stoga je potrebno inicijativu uputiti Zavodu za planiranje razvoja Kantona Sarajevo kako bi isti u narednom periodu planirali predmetne lokacije.

Za dodatne informacije i pojašnjenja stojimo na raspolaganju te budete slobodni da nas kontaktirate.

Dostaviti:

- Naslovu
- Evidenciji
- Arhivi



PO OVLASTENJU MINISTRA  
POMOĆNIK MINISTRA

Harik Bašević



**JP Sarajevo doo**



Gradska vijećnica Sarajevo  
Градска вијећница Сарајево



**SARAJEVSKA  
ŽIČARA**

Broj:01-05-147/23

Sarajevo,23.01.2023.godine,

**Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADSKO VIJEĆE**

Bosna i Hercegovina-Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

PRISLONOST	23 JAN 2023		
Org. jed.	Služ.	Priloga	Priloga
01-04-02 - 2045-1.0/22			

**PREDMET: Odgovor na vijećničko pitanje**

**Veza: Vaš broj: 10-04-232-2/23**

**Poštovani,**

Na 22. sjednici Gradskog vijeća Grada Sarajeva, održanoj 28.12.2022.godine, vijećnik Srđan Simonović uputio je vijećničko pitanje:

“Zašto Bijela tabija na Vratniku nije otvorena za posjete”.

Ovim putem želimo da Vas obavijestimo da je objekat Bijela tabija otvoren za pojedinačne i grupne posjete svakim danom u periodu od 10:00h – 17:00h (osim ponedjeljka i utorka).

Bijela tabija je, uz prethodnu najavu, bila zatvorena u periodu od 15.12.2022.godine do 30.12.2022. godine, zbog redovnog godišnjeg održavanja (čišćenja).

**Direktor**

**Bakir Hadžimerović**

